

Ecclesiastes Tauviararamana

Pariverena

Aiai da wei bukana i giruma lamna ega wavana tata aramanei. Wate rava gelaui e ririwa da gulau Solomon i girumi. Ma aiai i girumi lamna anina da rava araramanina. E ririwa da wavana lamna *tauviararamana*. Aubaina purapura vopiripirii e bababaniei. Rava maagaui God ega ita aramanei aubaina da i goei da ina baiei da aiwai e tuputupua. Wate anona ega ita nenelagai. Tauviararamana wei ravai ai nota e ririweta. Mara gelauna rava aiwai i kaukauei lamna ega anoi Ma e ririweta da wei kauai lamna me ive tata viagahei. Rava i nelaagi da lawana wei au dobuna lamna anona ega aiwai.

Tauviararamana ana giu

- ¹ Wei lamna tauviararamana, David natuna, mai Israel ai gulau ana viararamana;
- ² Tauviararamana i riwa, “Anona ega!
Anatapuna kwakwavina!”
- ³ Ma nolanola da ma magura ma anona aiwai?
- ⁴ Kimta e nenei ma e nena,
wate dobu maemaena e mamae.
- ⁵ Madega e gogogo ma e arearere,
ma e wanawanavirai da ina vikarena-melei.
- ⁶ Kariwabu e gotagota,
rauanaaga e opuropu,
e kwavikwaviviro
ma e wanawanavirai da ina vikarena-melei.
- ⁷ Waira anatapui au boga e opuropu,

Ecclesiastes - Tauviararamana 1:8 ii Ecclesiastes - Tauviararamana 1:16

- wate boga ega ita oaoai.
Waira matanei,
e gai'gairai ma e nene me au matana.
⁸ Kaua anatapuna i vi'nigarigari,
menanare tana riwa nei?
Matata ega melanai ina inana iaua;
Tani'gata ega melanai ina nonora iaua.
⁹ Aiwai waria'ga i tupua ina tupua me,
aiwai waria'ga i kaeui ina kauana-melei.
Ega aiwai, kaua vouna wei au dobuna!
¹⁰ E ririwa, "Ona inanai! Wei kaua vouna."
Wate ega! Wei kaua maemaena;
waria'gana, muriai da ta tupua.
¹¹ Kaua waria'ga i tuputupua, ega aiai ita notanotai.
Ma kaua marina da muriai e tuputupua, ega
aiai ina notai.

Nuaulaula anona ega

- ¹² Tau lamna tauviararamana ma Israel ai gulau
au Jerusalem.
¹³ Orau a terei da aiwai anatapuna au dobu
e tuputupua, nuaulaulei ana girumi. Ma a aramanei
da God vita gae'gaa rava i verei.
¹⁴ Aiwai e tuputupua au dobu a vinua-notenotei ma
a inanai da;
anatapui anona ega, kwakwavina. Ive ava
ta vivia'gaa.
¹⁵ Aiwai barabarai amapo ega ma vojjimana-melei,
aiwai awarim ega, lamna menanare
ma iavanei.
¹⁶ Au oraup a riwa, "Tau a nuaulaula guratana,
ega me aiai gelauna au Jerusalem i vivigulau
nanare.

Ecclesiastes - Tauviararamana 1:17 iii Ecclesiastes - Tauviararamana 2:7

A 'ramanei nuaulaula aiwai ma aramana aiwai.

¹⁷ A ġoei da ata aramana-kauei nuaulaula aiwai ma bua ma opa aiwai.

Wate a aramanei da wei lamna me ive a viviġaġei.

¹⁸ Aubaina au nualaula e rarata, mae-boaboa e rarata
au aramana e rarata, au nuabola e rarata."

2

Vinuaiiana-melana lamna anona eġa.

¹ A vinotanota a pa, "Abeka nuaiai ana baiei, ana raudadani, da i aii bo eġa." Wate a nelaġai da wei lamna kwakwavina.

² Lamna aubaina a riwa da kaka labalababa ma erawa lamna bua. Ma erawana aiwai aiaina e vereverem?

³ Nuaulaula a ġoana-guratei, ma a ġoei da wine ata umai da orau ita telatela ma kaua opaopai ata kauei, da ata aramanei metauna i aii rava au dobu awari, maranai mara tupona ava au dobu e mamae.

⁴ Kaua ġaeġaei a vikarei, au numa ġaeġaei a voaniae ma grape wapui a paewi.

⁵ Wapu da peipei a kauei ma ai uauai tapuna ma tapuna a paewi.

⁶ Dogo a ġarai da garewa ma wapaketa i vojjini, lamnei wei wapui a vivituvanei.

⁷ Awariu taunola au numa tuputupuai, ma taunola maġamaġaui nelarai ma waivinei a gimarai. Au bulumakau ma sipu i maġa guratana eġa me aiai ġelauna au naona au Jerusalem nanare.

Ecclesiastes - Tauviararamana 2:8 iv Ecclesiastes - Tauviararamana 2:16

⁸ Awariu gold ma silver gaegaena ma nanare
dobugela gulaui ai via. Tauwela nelarai ma
waivinei a vimaiei ma guguini inanai aiaii
a vivaneiai au numa, au ani vieraerawa. Aiwai
a ġoeġoei ana tapuna awariu.

⁹ Tau a maura ma a vipurapura kaua eġa me aiai
ġelauna au Jerusalem nanare. Ma wei anatapuna
au orana au nuaulaula i mae-kaua.

¹⁰ Aiwai a inanai ma a rauoġarei a vaia,
anatapuna a notai da ita vinuainiu.

Au nola anatapui a kauana-kauei,
ma nuaiaina lamna au nola maiana.

¹¹ Anina ma aiwai anatapuna a voavoai ma
a polepolei, a vinua-notenotei
ma a aramanei da wei anatapui lamna anona
eġa,
lamna me ive ata viviaġaġei wei au dobuna
amapo eġa aiwai tana vaia.

Nuaulaula i aii eġa me bua

¹² Nuaulaula, bua ma opa anoi a vinua-notenotei.
Gulau ana raviepaia, aiwai ġelauna ina kauei?

¹³ Ma aramanei da nuaulaula i aii kaua eġa me opa,
ma lalalaina i aii kaua eġa me gimtona.

¹⁴ Rava nuaulaulana matana au kolana e mamae
wate opaopana waguwaguvareina e bababara.
Ma aramanei da ravai ruāgai ai damona tagogi.

¹⁵ A vinua-notanota a pa, “Tau ma opaopana ai
damona tagogina.

Au nuaulaula aiwai ġelauna ina vereu?”
Au nota a pa, “Wei maiteni anona eġa.”

¹⁶ Rava nuuanuaulaulai lamna me rava opaopai
amapo nai ravaii nuanuata ina vuru.

Ecclesiastes - Tauviararamana 2:17 v Ecclesiastes - Tauviararamana 2:26

Kapore! Rava nuaulaulauna ma rava
opaopana e irairağe.

¹⁷ Tau lawana a geduaiei, au dobu aiwai anata-puna ta kaukauei iniviara ava e verevereta. Anata-puna kwakwavina, me ive taviviağägei.

Bagibagi ġaeğäena eğä anona

¹⁸ Anatapuna au dobu a polepolei a geduaiei, aubaina nai ana voterei, da rava au muriu e nenei aubaii.

¹⁹ Ma aiai i aramanei da tauna rava nuaulaulauna bo rava opaopana? Wate tauna aiwai a polepolei ma au aramanei a vitupui ina vaia. Wei anona eğä.

²⁰ Au bagibagi anatapuna wei au dobuna a notai ma orau i peu.

²¹ Aubaina rava ana nuaulaulauni ma ana aramanei i nola kaua, da i maura ma anatapunana ina voterei da rava gelauna, eğä taunoleina ina vaia.

²² Marana patapatai nola ma nuabola inina e viviarei au dobu ma aiwai ina vitupui?

²³ Tauna ana nola da iniviara ma nuabola; waguvvarai maiteni eğä ita matamatave. Wei maiteni eğä anona.

²⁴ I aii da rava ita am ma ita uma ma ana nola ita vinuiaiei, ma a inanai da vinuiai lamna God uranei.

²⁵ Aubaina God eğä. Lamna eğä am ma eğä nuaiai.

²⁶ Aiai God e vivinuiai, God tauna nuaulaula, aramana ma nuaiai, e vereverei. Wate ġoa apoapoe ravana ana nola i verei da mane ma maura ġaeğäena ina vitupui, Wate God nai maurana ina vaivaitawanei ma aiai e vivinuiai ina verei. Ġoa

Ecclesiastes - Tauviararamana 3:1 vi Ecclesiastes - Tauviararamana 4:10

apoapoe taukauei ai nola lamna kwakwavina, me
ive i taviviağägei!

3

Aiwai anatapui ai au mara e tuputupua

¹ Mara ma iri i terei da aiwai anatapui au dobu ai
au mara e tuputupua.

² Vinatuna ana mara ma irağe ana mara
paewa ana mara ma tuaruta ana mara.

³ Virağena ana mara ma vilawana ana mara,
amrika ana mara ma voa ana mara.

⁴ Tou ana mara ma kaka ana mara,
mogu ana mara ma ara ana mara.

⁵ Gaima viorerena ana mara ma tama
melanana ana mara,
taragwaba ana mara ma eğä taragwaba ana
mara.

⁶ Baia ana mara, ma baia voterena ana mara,
ma purapura vojjinana ana mara ma pura-
pura vineboana ana mara.

⁷ Sika ana mara ma popo ana mara,
genuana ana mara ma babani ana mara.

⁸ Nuavaina ana mara ma ġoağai ana mara
viğaiğaiawa ana mara ma nuauba ana mara.

4

⁹ Rava ruağä i aii eğä me rava tagogi,
aubaina taui ina viagu vivira ma maura
ina nelążai.

¹⁰ Mepa da tagogi ina peu, turana e mamae da
ina voepai.

Ecclesiastes - Tauviararamana 4:11 vii Ecclesiastes - Tauviararamana 5:12

Wate tam ainelam ma u peu lamna i apoapoe
kaua,
aubaina kampa ega aiai da ina voaguim.

11 Ma nanare mepa da rava ruaga i matave tagogi,
taui ega inii ina ubauba.

Rava tagogi menanare ainela ina vibolabola-
melei?

12 Am gavia, ainelam ina vigaviem ma
ina vovaiubaim, wate maranai taumi
ruagami e vivigaviem amapo ona vobelei.

Ma rava tonuga i virewapana kaua me gurava
barawa tonugei metametanana.

Wei guravana viaituinana ma kauana-avei.

5

10 Aiavoi mane nuanuai e vaivaia ega melanai nu-
anuai ina rauei;

aiavoi e goegoei da ina vipurapura;
taui ega melanai ai rauogara anatapuna
ina vaia.

A inanai da wei anona ega.

11 Maranai am maura e rarata,
lamna maranai patara e gegetai da e amam
vereverem.

Wate wei maurana aiwai aiaina e vereverem?

Ega aiwai, anina e viatataim da tam mau-
mauram, wate rava gelauna am maura
ina tawanei aubaim.

12 Taunola e amam kaua bo ega,
wate e matamatave kaua.

Mane ravana ega nanare, tauna ana maura
e notanota-maratomei.

Ecclesiastes - Tauviararamana 5:13 viii Ecclesiastes - Tauviararamana 7:19

13 Au dobu kaua apoapoe kaukauana a inanai;
Mane ma purapura ravana ana maura au
anara e tereterei muriai aubaina. Wate wei
lamnei, ana nuabola ġaeġaena i tuarui.

14 Ana mane ma ana maura i kauana
labalababai ma anatapuna i vine-boai.
Natuna eġa ana buderi ita terei.

15 ⋆ Menanarena dobuna ta ruinei
nanarena tana nae me, kovakovata ma ana
ura kwakwavita.

Amapo eġa ata purapura, ta vopolepolei
tana vinimavoei.

7

15 Au lawana kwakwavina au orana kaua ruāga
a inanai;
Rava aiaina BADA ana nola e kaukauei i'raġe
laġilaġina
ma ġo'apoapoe taukaueina God ana tarawatu
e viviaigai wate ana lawana i manawa.

16 Lamna aubaina eġa ma viġoġa aiaina guratana bo
ma vinuaulaula guratana,
mepa da ma viraġena-melem.

17 Wate nanare, eġa ma vitaniġapota guratana
ma eġa ma opa;
eġa ita ai da ma iraġe muriai da am mara.

18 I aii mepa da wei riwai bagibagina ma nonori
Aiai God e vivivirei lamna ina paina-melei
da wei kauai ruāgħi eġa ina kauei.

19 Rava nualaulaunana tagogi rewapani ġaeġaena
ina verei
eġa me gulagulau 10 au taon.

⋆ 5:15: Job 1:21

Ecclesiastes - Tauviararamana 7:20 ix Ecclesiastes - Tauviararamana 12:2

20 Riwa kaua! Weka au dobu ēga aiai tagogi kaua
aiaii ava taukaueina.
Ma ēga āgo'apoapoe ita kaukauei.

8

16 A āgoei da nuanuau ita ulaula lamna aubaina
rava ai mae au dobu a inanai, ma lamnei a aramanei
da marai ma waguvarai ēga matave kaua.

17 God aiwai i kaukauei ēga ata aramana dadanei.
Ma voguratei da ma nelāgai, wate amapo ēga
ma aramanei. Nuaulaulai e ririwa da i aramanei,
wate ēgatenei dadana.

11

Ami au vilaraga ona vinuaiai

9 Laralaraga, ami vilaraga ona vinuaiae.
Nuanuami ina morelana ami au vilaraga.
Orami ma matami ana rauōgara ona kauaei.
Wate ona aramanei da aiwai o kaukauei
God ina etaremi, anatapuna aubaina.

10 Lamna aubaina nuabola au murimi ona terei
ma tupuami ona paina-melei,
aubaina amapo ēga ona vilaraga nonoa.

12

1 Ami au vilaraga, taukauemi ēga nuanuami
ina vuru,
muriae da nuabola ona nelāgai;
maranai magura i tūgerēgerei,
ma ona riwa, “Lawana marina ēga ita ai!”
2 Lamna maranai madēga, nawaravi ma ubona
ina āguvai,

Ecclesiastes - Tauviararamana 12:3 x Ecclesiastes - Tauviararamana 12:9

ma apau ina nememei da mara ina ġuva-nonoei.

³ Anina ma nimami, taugagaloemi ina sisi
aemi marina vivirewapanana ina vokokokara.
Ivomi ina viruaġa da ami lam eġa ona uta gwadag-
wadai,

matami ina vinawanawa da eġa ona īmara kaua.

⁴ Taniġami ina pota da gugura au etanai eġa
ona nonori,
kiu ina logologoi ina ravidagudaguimi wate ai
wela anatapui ina amoa.

⁵ Taukauem i ona vinuanotenotei:
Maranai aidamo ona gagatei ma babara
ona rovoei,
maranai kora ina tonaimi me rei talana,
ma tam ma gwaġa-nae me kapau e gwaġagwaġa-
nae iraġe aubaina.
Erawa ma morelana anatapui ina kwa. Tauta
kokoaġa ta tuġereġerei ma tou ina vikarei au
doa.

⁶ Taukauem i ona vinuanotei,
muriae da lavutu ġuravana ina wanautuini,
bo nau goldei ina wanawamai
ma reduġoru ina wanakabakabari.

⁷ Ma tupuami ina naeme au doa
ma aruami ina naeme God, tauverena awa-
rina.

⁸ Tauviararamana i riwa, “Anona eġa! Anona eġa!
Anatapuna anona eġa.”

Damona, God ma vivrei ma riwana ma voteletelei

⁹ Tauviararamana nuanuana i ulaula kaua,
ma aiwai i aramanei rava i viararamani. Riwa
nuaulaulaui maġamaġaui i 'avi ma i girumei ma
i rereġa-kauei.

Ecclesiastes - Tauviararamana 12:10xiEcclesiastes - Tauviararamana 12:14

10 Tauna riwa vinuaubana i baiei ma aiwai
i girumi lamna jijimanina ma ririwa-kauana.

11 Tauviararamana riwai lamna me kwapu
ma riwa nuaulaulai i gam me tutu, nuanuam
ita tonatonai. Wei anatapuna BADA i vereta.

12 Anina natu, ma aramanei da kaua ġelaui
ma inana-kauei. Buka girumai eġa ina kwa ma
giruma ġiriġiri i vinigarigari.

13 Wei anatapui au murina.

Riwa tagogiava ma aramanei:
God ma vivirei ma ponana ma voteletelei.

Wei lamna aubaina rava i vitupui.
14 God ata kaua anatapui govagovaġai,
aiaii bo apoapoe, ina kovoġi.

Wedau Mark
The Gospel of Mark in the Wedau Language of Papua
New Guinea
Buk Mak long tokples Wedau long Niugini

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

PDF generated using Haiola and XeLaTeX on 28 Dec 2024 from source files
dated 31 Aug 2023

aa19f3e3-98fb-51fa-9c53-3906edc75f11